

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Iovis
decima-quarta Novembris.

M. URBANO LEAULTE', Doctore
Medico, Præside.

An Hospitis Animi Mores ab Hospitii structura?

I.

TANDIU cunctis animantibus vivere datum est, quandiu & operari; vitam proinde quam oscitanter nimis videtur expressisse otiosa illa Philosophi διαπραγματίζεσθαι, Galenus commodius definit per *ἀνθρώπου φύσιν*. Cujus omnibus genus idem, Idea non una, non una dignitas, facultas non una, non unum organum. Ideam naturam, dignitatem ortus, *ἀνθρώπου φύσιν* facultatem, organum opus discriminat. Natura alia in materia è materia ideo corruptibilis; alia in materia non à materia, à cælo non ab elemento, non furto Promethei in corpore, sed authoris munere in statione ad imperium collocata. Inde parte sui sequiore terræ filius homo ob inquilinum furem mortalitatis, meliore astris imminet. Illinc appetitus perturbationum architectos contrahit, hinc eorum magister, vindex & censor mente & ratione delet illum qui in brutis pleno jure patet corporis animæque ex mutuis affectionibus *ἐν τῷ βέλους*. Hinc bene vel male agendi sibi aperit carceres ad fasces & insignia magistratus integrâ libertate. In oculis igitur & vultu condi animam ne existimes, Domicilium non ipsi corpus est, sed hospitium, nec socius itineris, at servus, non ut in vase liquor, totum in partibus, in navi nauta, sic ipsa in corpore, vehat illa licet, id vehatur, sed *ἐν τῷ βέλους* sensuum stipata satellitio sentit nec sentitur, motusque expers corpus inaspectabilis agitat. Sux nihilominus pertæsa καλὸς δὲν, ἀρετὴν meditatura vilis hujus sarcinæ lacinias pauperisque turgurij velat rudera, dum insitos perturbationum obnummurantium imperus naturali herilique simul jure moderatur.

II.

QUID, amabo, antiquius habet forma viventis, quàm ut paratum vitæ munis exercendis secundum temperiem & conformationem corpus in-

veniat, quod ideo ætherea dignum particula adeo affabrè delineavit nostri opifex, ut simili modo cæteris dissimile descripserit, ita ejus dotes ferè ultra communis naturæ leges laxavit. Vim quippe formatricem si calori spiritusque qui in semine residet, temperamento, tanquam causæ principii, assignes, toto erras cælo, Divinioris plastræ hæc sunt instrumenta, totam ad venturi Hospitis gratiam mancipium curiosius adornantis artificio planè singulari. Viden, quot unius materiæ artes, quot in una circumscriptione opera, omnia perpulchra, commensurata, omnia tamen *ἢ ἡ ἀπορροή*: quorum non alij artifices, quàm genitura ab utroque parente derivata expressi in naturæ similitudinem, motus vitales. Semen enim vitam habere, tam alienum est à naturæ instituto ordine, quàm ab ejus idoneo & justo interprete. Una modò pensæ est *ἐν ὁρίῳ περὶ δ' ὁρίων* quam nonnisi invitè aberratura irrequieto motu insita usque promovet animæ parentum tradux & vicaria facultas formatrix: Partium singularum illa typum, quem non invenit, delineat, absolvit & refert; non fortuito, sed consilio *ἢ ἡ ἀπορροή* omnium in publica commoda *ἢ ἡ ἀπορροή* cuiusque in privata exquisita varietate multiplex. Neque hominem *ἀνθρώπου* sine scelere dixeris, Totum quod miraris in corpore æternitatem affectantis apparatus, licet caduci, ad *ὁρίζοντα* & *ἐκείθεν* unicum ortus est interitusque vestibulum, à quo nec deflexit temperatus licet fœtusque in vitæ modum Elementi calor, qui nobis insitus *ἀρχή* vitam beat, ac protollit, spiritu humoreque primigenio undique perfusus ne ignesceret; vitalemve fundum maturius diffunditaret; hæc enim illum ab indole sors manet, quod vitale ejusmodi principium, perenni obnoxium effluvio, in temperamenti insiti nulla reparabilem arte ruinam sensim inclinet; quia nec par, nec tantum potis est reponere, hinc *ποτέν* illa *πεσσεύμεν* iniquiore conditione redhibet.

III.

MORES in unum hominem cadunt, quia *ἢ ἡ φύσις* statuuntur, ideoque non sine injuria erciscendi cum brutis, quibus pro moribus est natus ille naturalis *ἢ ἡ φύσις* ad naturæ legem quâ tota feruntur, *ἢ ἡ φύσις* circumscriptus. Non à cælo insitivi Mores, non à solo, non à temperamento, non Partium abeunt in natos cum semine, ac usu, vitæ institutis, assuetudine, defluetudine, & quod caput est. *ἢ ἡ φύσις* docentur & fiunt, non congeniti sed *ὁρίζοντα*. Nihil itaque mirum esse debet cur eodem sub sidere & simili fatu Mores hominum tam dissimiles contingant, nil quippe homini intercedit commune cum plantis ad indolem, has siquidem non ubique alit terra, sed pro loci genio & natura illic testibili fecunditate parens amabilis luxuriat, hic infami sterilitate deturpari, spemque omnem & animum frangit olitoris, nescitue ullis unquam artibus novercale imperium deponere. Non sic ex formula natura respondet mortalium, neque ad præscriptum mores sequuntur, quos expectari potius, quàm nasci decet in auctiorem certioreque vindictam nostræ libertatis. Hederam Ægyptus non agnoscit, suos interim habuit & ipsa Boeotia sapientes & Heroas, Pindaros, Corinnas, Hesiodos, Pelopidas, Epaminondas, plures habitura, nisi aliis artibus totum animum dedisset. Tantum quippe in moribus numerandum, quantum quisque promoverit: magna sane eorum ignavia, qui virtutem ipsam veluti receptam à Majoribus adhucque in

3
cunis vagientem ab annis robustioribus oscitantes expectant. Quandiu non sumus natura nos regit, & in quemcunque casum nos mittit, tunc solum æstimandi cum nostri: inde siquidem optanda morum virtutumque felicitas est, quæ cum arbitrio nostro consent non à parentibus adoptione in nos transeunt, turpi argumento & remedio propriæ sterilitatis, sed in ampliorem concessi nobis imperiæ testificationem extra nos quærentur.

I V.

SI cui unquam plenum ingenij pectus natum est, non mehercule Hospitij structura, vultus aut color asserit posteros in decora majorum, certiores sibi habet animorum natura vindicias. Mores alius non de parente; sed de nutrice trahit, non de cunabulis, sed de legibus; alius consuetudine familiarium alius imitatione sibi facit, alium informant præcepta & instituta vitæ. Neque utrius loci inquilini, sed per omnes terrarum tractus ad quemlibet cæli vultum, imò & per totam cujusque vitam varij & incerti peregrinantur fortunæ comites non naturæ. Patent revera cujus omnes *dispositio* humilioris animæ cupiditates motusque irascibilis potentia, reliquis animantibus apertiores, in quibus ut sine Doctore fiunt, ita & docentur; sed in homine licet *autopsia*, penitus tamen reconditi suspensis adeò non secus ac larvæ ambulant vestigiis, ut etiam artificiosâ conjecturâ vix tum veniant in apertum cum fiunt. Verum quò hæc motiones *impulsiones* magis conspicuæ, eò obscuriores illæ, quæ in *personis*, incerto decurrant lare, vel astant animæ principi; uti magna nostri pars ingenium, Docilitas, Mansuetudo, Ira, Lætitia, Metus, Amor, Odium, Invidia, ejusque proles, *luxuperantia*, Verecundia, Spes, Fortitudo; Magnanimitas, Pietas, Justitia, Temperantia, Liberalitas, cæterique habitus disciplinarum & actuum, hisve contrarij, qui ad arbitrium & electionem nati naturæ haud agnoscunt jura, neque corpori aut definitis partibus manciantur, sed toti debentur animo, à quibus mores boni à bonis, à vitiolis viriosi: Hinc prima morum cunabula, hinc elementa virtutis. Quod cum ita sit satis proditur vanitas Physiognomi veluti descriptos in partium typo mores curiosius relegentis, debilioreve analogismo ad bruta formantis, aut ab alio devehentis axe, injuriosâ nimium in optimam rerum omnium parentem audaciâ divinandi.

V.

SCELERI proxima semper visa est eorum sententia qui ad infamiam alios, alios ad gloriam, nihil tale adhuc cogitantes, in ipso ortu destinari simul & trahi voluerunt; quin imò nasci nobiscum vitia & virtutes, quæ si ita, alienum bonum aut malum forent: non minus haberet iniquitatis apud legum latores commendatio virtutum, quàm reprehensio viriorum, nec ex æquo in illis aliquid præmio, his supplicio relinqueretur. Accedit ampliùs quod magna regni nostri pars dissimulatio fucum sæpe sæpiùs faciat Physiognomoharioranti, & Astronomo suas æstis *dispositio* affingenti. Novit bene magna consilia vultus tegere, animo perfidiosus & subdolos, apud Tacitum Publius Ægnatius stoico tamen vultu, ore & habitu ad imaginem honesti composito, turpem avaritiam & nefarias libidines occultabat. Licinius Mutianus luxuriâ, industriâ, comitate, arrogantia, malis bonisque artibus mixtus erat, nimia voluptates cum vacaret, quoties expedierat Magnæ virtutes, adeò suus erat,

7. 4

cùm esset nullius. Vultum non animum mutabat pro libito Terentianus servus moribus, æquè cereis. Turpi Æsopus aspectu, Socrates, Plotinus, utrisque Epicæterus turpior, vasto & servili corpore Plato, τοχρουνόων οculis exiguis Aristoteles; venustâ Domitianus formâ, Commodus, Diadumenus, Helena, Faustina, curvis hi, rectis illi, & heroicis moribus. Non ut pedibus, sic mente vari, valg, compernes, vel qui cubito, naso, spina γαλιδύκωνες, grandibus superciliis Silones, gibberi, regibberi, vicissim alterutri balatrones, Heroes. Qualem enim putas intus habitare animum. cum extra imago tam fœda est, ecce truncas inhonesto vulnere nares fortior Zopyrus, quàm integer, & Scævola Murio, Callisthenes in cavea quàm in aula, in Nicrocreontis pila comolitus quàm in Democriti schola otiosus Anaxarchus: his nempe omnibus perdetritas pannosasque corporis exuvias melior genius virtutis Morumque vena sincerior puriorque, sic tum patebat fluebatque Verbo absolvam Mores fiunt, non generantur.

Non ergo Hospitis Animi Mores ab Hospitij structura.

Domini Doctores disputaturi.

M. Franciscus Vezou.

M. Claudius Biendsant.

M. Alexander Michael
Denyan Professor Regio-
demia Censor.

M. Claudius Puyton Aca-

M. Dominicus de Farey
Pharmacia Professor.

M. Claudius de Fradet.

M. Claudius Berger.

M. Henricus Mahieu.

M. Ecydian le Bel Sec-
nissima Aurelianusium
Ducissæ Medicus Prima-
rius.

Proponēbat Lutetiæ AMANDUS DOUTE, Parisinus
Baccalaureus Medicus. A. R. S. H. 1686.

P A R I S I I S,

Apud Franciscum Muguet, Regis & Facultatis Medicinæ
Typographum.